











S. VIII. 33.



17  
LACRUMÆ ARDENTISSIMÆ

Fusæ

Ob Funus

Immaturum & præposterum

*Ornatissimi ac Doctissimi Juvenis*

HENRICI SCHWEDERI

Colbergensis Pomerani, Illustris Pædagogij

Stetinenſis Studioſi,

Viri

*Honestissimi omniumq; virtutum luce ac splendore  
eminentissimi*

DN. GEORGII SCHWEDERI,

Civis & Mercatoris apud Colbergenses

& primarij & industrij

Filij dilectissimi,

*Extincti 19. d. Augusti, sepulti vero 21. Ejusdem*

ANNO

Epochæ Christianæ

M DC XXXVII.

---

STETINI, Typis GEORGII GOETSCHII.





Ingenij spes magna, decus juvenile studentum,  
SWEDERE heu! moriens occidis ante diem.  
Spes melior fuerat de te mihi: namq; docebas  
Hactenus ingenua dexteritate Meos.

Exemplar pietatis eras virtutis imago,  
Præluens teneris mentibus ante, fide.  
Sed cadis heu! medio in cursu: tam lubrica spes est,  
In nullo quæ stat certa tenaxq; loco.  
Hæc vitæ humanæ ratio est, hæc conditio.  
Nascitur, ut tanquam flos moriatur HOMO.  
Ergo jam lachrymas suspendite quaslo parentes  
Non torus, studijs qui est operatus, obit.  
Vivit enim restans etiam post funera virtus,  
Et vivet digna laude beatus homo.  
Tempus erit quando nigris revocatus ab umbris  
Complexus vestros ipse tenebit ovans:  
Liberab exitio quovis à crimine liber  
Indutus cœli candidiore stolâ.

*D. Daniel Cramerius, hospes defuncti.*

**S**pes tu quas nobis, SCHWEDERE, huc usq; parasti!  
Quam nihil ad vulgi es sœtus habere modum!  
Ingenium acre tibi Numen concesserat: Ipse  
Ingenium augebas sedulitate, fide.  
Indole cum docili certabant tura laborq;  
Pesse & velle dabant pectore vota probè.  
At heu juvenile decus pulchelleq; nostri  
Gymnasijs flos cur concidis ante diem?  
Spes nostras tumulto tantas vis condere? Tanta  
Sperantes fallis fallere non solitus?  
Sed quid agas, teneo: Cura est Academia Cœli:  
Hanc petis, ingenio hæc dignaq; sola tuo est.

*Non*



*Non equidem invidéo: grator magis atq; cohortor:  
Qua cupis, in cælis discere, docente DEO.*

*Ex pio erga Discipulum suum opt. affectu deprop.*

**M. Martinus Leuschner Illust.**

**Pædag. Rector.**

---

**H**eu, *Schedere*, jaces, Spectatò crete Parente!  
Heu, digne Egregiò Nate Parente, jaces!  
Jure queror, doleoq; tuum per funera casum:  
Mores namq; tuos ingeniumq; fleo.  
Summa tibi pietas cælo gratissima, summa  
Integritas vitæ, sedulitasq; fuit.  
Lingua in utraq; stylum, formaq; in utraq; polibas,  
Materies à me publica quando data est.  
Privatimq; mei fueras pars optima cœtus,  
Noscere qui *Juris* prima elementa studet.  
Hic mihi lectori dederas cupidissimus aures:  
In *εὐχρηστος* gnavus & acer eras.  
Olim (non dubium) Patruī vestigia Clari  
Pressisses, si non invida fata forent.  
Sed Patruò nunc es perfectior atq; Magistris:  
In superà CHRISTUS te docet ipse scholà.  
Grator Doctorem tibi tantum, ac tale Lyceum.  
I præ. Te sequimur quisq; vocante DEO.

*Sinceri amor. & suprimi honor. caus. f.*

**M. Heinr. Kielmannus, Gr. Ling. & Poës Prof. &  
ConR. Ducal. Pædag. Stetin.**

---

**Q**uam Te Discipulum nostrum, Svedere, Lyceum  
Fovuit, de Te spes hac mihi capta fuit:  
Te fore perfectum brevioris temporis usu;  
In studijs ardor fontica causa fuit.

A 2

*Spem*



*Spem confirmavit conceptam Jfluſtre Lycœum  
Qvòd peteres, in qvò ſcibile qvòq; patet.  
Spes mihi ſuccrevit, magni qvòd tecta Crameri  
Incoleres diſcens, incoleresq; docens.  
Jam perfectus abis, petis & cœleſte Lycœum,  
In qvò doctus uti fulgida ſtella micat.*

M. Mart: Bambamius P. L. &  
Sch. Sed. Sen. ConR.

---

AD PIE DEFUNCTUM

*Commilitonem.*

**C**ulmina Virtutis ſtudiò, SCHVEDERE parabas  
Seandere pervigili, cum pietate ſacrâ:  
Cœlica ſed Divûm placitò cepiſſe brabœa.  
Non dubitamus: Honor te manet uſq; poli.  
Effugis è vivis, qvos Mars divexat iniquus,  
Teq; citâ fugiunt fata maligna nece.  
Multorum, fateor, lachrymas tua fata merentur:  
Aſt ego de latò gratulor hoſpitiò.

*Joachimus Schamſirch Neob. Megapol.*

---

**P**ax finis bellæſt: Sic ſcripta Politica dicunt:  
Ergò & mors homini *Pacis* ad inſtar erit.  
Hac etenim vitam mortalem finit & aufert  
Qvæ nil, bella niſi continuata diu.  
Qvòd ſi igitur melior bellò Pax alma cruentò,  
Qvis mortem doleat, qvæſo, SVEDERE tuam?  
Qvâ tibi certanti cum mundò & carne malignâ,  
Poſt varias pugnas, jam modò parva qvies.

*Ultimi honoris e. app.*  
Calparus Marchius P. P.

En



**E**N HENRICE petis Pacem SVEDERE, sequendo  
Lebmannum? linquens noxium in orbe gregem.  
Cautior es nobis, Arcem qvi scandis Olympi,  
Quā poteris multis cautior esse malis.  
Interea ignari, qvæ insident hinc Fata misellis,  
Viventes dubio frangimur usq, metu.

Condolent. causā hoc appon.

Christianus V Vegenerus Neogard. Poin.

---

**A**ugusti decimā nonā qui luce SVEDERUS  
exiit ē VIVIS, Visit In arCe DeVM.  
Visit in arce Deum. Misera nam tempora vitæ  
finijt in pravð, ceu decet, orbe, pium.  
Propterea gratis illi Regnator olympi  
cœlestis vitæ gaudia vera dedit.  
Molliter in terris nunc, chare SVEDERE, quiesce,  
longevā vitā qui bene dignus eras.  
Dignus eras vitā. Nam fervidiore colebas  
curā Musarum, Docte SVEDERE, domus.  
Dignus eras vitā. Nam commoda multa dedisses  
humanæ vitæ sedulitate tuā.

Sic inopinatum commilitonis sui abitum lugebat

Samuel Janichius Frideb. Neo-March.

---

DEFUNCTI PROSOPOPOEIA.

**M**UNDE VALE; quamvis valè dicere lingua recuset,  
Attamen hinc aliò lator abire, VALE.  
MUNDE VALE; quamvis me te vidisse juvaret,  
Attamen hinc JESUS me vocat, ergo VALE.  
MUNDE VALE; quamvis mihi te jam linquere durum,  
Attamen hinc capiunt me mage lata, VALE.



MUNDE VALE; quamvis cura cordiq; Parentes,  
Attamen hinc animâ lator abire, VALE.  
MUNDE VALE; quamvis juvenem amplectaris amandum,  
Attamen hinc lator, MUNDE VALERE, VALE.

*Condolens talia scribebat*

Erdmannus Rudolphus Stet. Pom.

---

Ultima Defuncti Verba.

**I**mmundum mundum lingvo, mundanaq; sperno,  
Et mundò mundum pectore qværo DEUM.  
Ille mihi aternâ donabit in arce coronam  
Justitiæ aternæ, qvæ datur, ecce! p̃ys.  
Inspiciens etenim mundum, qvòd gloria mundi  
Vana sit, experior; terra ero, terra sui.  
Idcirco latus jam lata palatia Cœli  
Visito, cum mea mors nil nisi vita fiet.  
Jam jam terra vale, Patria est mihi magnus Olympus,  
Magne DEUS diram dilue, qvæso, luem.

L. M̃g.

In ultimum Dn. Cognati sui honorem app.  
Franciscus Moldenhawer.

---

**Q**uis nostrum, [vitæ quamvis florentis in ævo est,]  
Ad noctem num sit vita futura, sciat?  
Tam brevis atq; fugax humanæ est linea vitæ,  
Ut jaceat lethò, qui modò vivus erat.  
Sed benè qui moritur, tecum est HEINRICE beatus:  
Cum CHRISTO in cœlis namq; beatus ovas.

*Amicijs & condolentiæ ergò, faciebat*

Paulus Rangius  
Stargard, Pom.

Nescio,



**N**escio, quid patria portendant tristia fata?  
Nescio, quid sibi Mars, morsq; famesq; velint?  
Fallor? an exitium nobis mala multa minantur,  
Et spes amissa nulla salutis adest?

Infestat miles nostras ferus undiq; terras,  
Nec posthac uli tuta frequentq; via est.

Formidant omnes furiosi militis ensem,  
Et nostras ignis funditus haurit opes.

Exilio, solum vertunt, ac arva relinquunt  
Agricola, atq; hostis cuncta licere putat.

O infelices! non uno urgemur ab hoste;

Hinc urget nos Mors, hinc malefoada fames.  
Occidit multos res arcta & turpis egestas;

Sed plures perimunt tela cruenta nocis  
Non tantum fessos annis, canamq; senectam.

Interimit, verum & ver juvenile petit.

Occidit & noster Schvvederus magna Parentum.

Spes, & praepropera morte peremptus obit.

O praeceptum fatum! ut frustraris vota Parentum;

Artibus excultum dum rapis ante diem.

Sed non fas nimium saevo indulgere dolori:

Mortem mortalis fallere nemo potest.

Cum lethum nulli detur vitare, quid obstat?

Num juvenis pereas, vel moriari senex?

Aeternus Judex vitam, non ponderat annos:

Ille diu vixit, qui bene vixit, homo.

HENRICUS noster praecepit ad astra, sequemur;

Illum, cum cogent nos fera fata, sequi.

Hic Henrice vale, vale dilectissime Jove,

Qui te ex arumnis Orbis ad astra tulit.

Ultimo honori Ornatiissimi Juvenis scripsi  
Casparus Devotius Paschah. o-Pomeranus.

Cus



**C**ur Tu tam subito, tenerò SCHWEDERE sub ævò,  
Heu! claudis placidâ lumina morte tua?  
Cur, inquam, nostri renuis commercia cœtus,  
Nec vitâ exoptas ulteriore frui?  
Verùm Te libris satis incubuisse putabis  
In terris, illos ergo valere jubes.  
Hactenus in doctis sudasti ritè Lycæis,  
Nunc Academiam quæris in axe sacram.  
Expetis in cœlis exactam discere normam  
Juris, ubi Doctor jura sacrata docet.  
Hanc ergo invideo lætam minimè Tibi sortem,  
Sed potius grator gaudia tanta Tibi.

ΕΥΘΥΧΟΥ.

*Helnicvs Largos nVnC iVrpIs Deferle orbls  
LVcIVs, & Capcat gaVDia Lata polI.*

*Pauca hæc, præmaturâ Cognati sui desideratissimi  
mortem deplorans, fecit*

*Fridericus Sellius Julinò Pom.*

---

**U**t messor fruges in amœnis demetit agris,  
Sic mors jam juvenes demetit atq; senes.  
Non tempus certum aut certam determinat horam,  
Tempore sed dubio mors inopina venit.  
Ecce etenim subito SCHWEDERUS mortuus eheu!  
Plorandum sanè, quod cadit ante diem.  
Heu subitos casus & ineluctabile fatum!  
Quam breve vita bonum! vix orimur morimur.  
Complacitum Domino est, ex hoc qui transulit illum  
Carcere sollicito ad lumina clarâ poli.  
Mortuus hic equidem mundo videatur: at ipse  
Fivie ibi, & fruitur pace & amore DEI.

*Condolentiz ergo paucula hæc adjecit*

*Nicolaus Wernerus Cösl. Pom.*

**FINIS.**





921116 **Bibliotheca** 105 000  
**P.P. Camaldulensium in Bielany**

Depozyt w Bibliotece Jagiellońskiej



06393

S.VIII.33



